

- л. 118 И от того града 17 миль || есть град во имя Августа царя, его же из начала тѣи царь Иустиниан нача и създа на славной реце Дунаи, и того ради зоветца град той Август, а по немецки же Авспрок.<sup>20</sup> И величством превъзиде всех предписанных градов. И полаты в нем, и воды, и иная вся строения велми чудна. И божници в нем устроены, и с надвориа писано велми хитро, а внутри якоже и иные божници подписаны; и ту написан царь Иустиниан, начальный здатель града того, да и иные цари римьские писаны, то же и Угорское и Аламаньское.
- л. 118 об. А от того града до Полонинных гор 10 миль. || А от Полонинных гор до князя, зовомаго Дуку, 15 миль, и городок дръжит Жунбрюк невелик. А от того града к Полонинным горам до града Фреанды 24 мили. И оттоле в Фряжскую землю до града Павды 15 миль. И всех Полонинных гор 60 миль. Горы же те не ту суть, но от Чернаго моря пошли даждь и до Белаго моря, яко зовутся пояс земный, камены. Толико же высоци суть, облаци вполю их ходят, и облаци от них ся взимают. Снези же лежат на них от сотворения гор тех; лете же вар и зной велик в них, но снег же не тааше. || Павда же град велик велми и крепок. И оттоле до Ферары града 10 миль. И ту есме приехали по госпожине дни на 3 день.
- л. 119 И ту есмя наехали папу римьскаго Еугения, от Рима за 8 миль. Ту же и святаго царя греческаго Иоанна, и святаго патриарха Иосифа вселеньскаго, и святый вселеньский собор. А в зборе бысть с<sup>21</sup> патриархом митрополитов 22: первый — раклинский Антонеи, 2 — ефесский Марко, 3 — русский Исидор, 4 — манавасииский Досифей, 5 — трапизонский Дорофеи, 6 — кизитьский Митрофан, 7 — никеиский Висарий, 8 — никомидейский || Марко, 9 — лакедомонийский Мефодий, 10 — тръновский Игнагеи, 11 — амасииский Иасаф, 12 — мальдовский, рекше влашки, Демиан, 13 — ставропольский Исаиа, 14 — родовский Нафанай, 15 — митулинский Дорофеи, 16 — драмасинский Дорофеи, 17 — мелетинский Матфеи, 18 — тристриасииский Калист, 19 — каланьский Генадеи, 20 — ахелоньский Генадей, 21 — иверский Иоан, 22 — сардакийский Дионисий, тѣи на том святем съборе к господу отъиде.
- л. 120 1-ый<sup>22</sup> собор бысть месяца октября в 8 день, в граде Фераре в фрязах. На соборре же седе римьский папа Еугений, а с ним 12 гардиналов, и архиепископы, и епископы, и капланы, и мнихы. Православные же веры на съборе седевшу греческому царю Иоану и брату его деспоту Дмитрею, и вселенскому патриарху Иосифу, а с ним митрополитов 22 и епископов русских, Авраамии<sup>23</sup> суздальский, и архимандриты, и попы и диаконы, и чернцы, и послов 4,<sup>24</sup> трапизонский, иверский, и тверьский Фома, и волошьский Микула. В вопросех бывшим трем митрополитом, в ответех ефесский Марко, русский Исидор, никейский Висарийон.
- л. 120 об. 2-ый<sup>25</sup> собор месяца того же<sup>26</sup> 13.<sup>27</sup> Третий събор месяца того же<sup>28</sup> 16.<sup>29</sup> Четвертый събор месяца того же<sup>30</sup> 20.<sup>31</sup> Пятый собор месяца того же<sup>32</sup> 25.<sup>33</sup> Шестый собор месяца ноября<sup>34</sup> 1.<sup>35</sup> Седмый собор того же месяца в 4.<sup>36</sup> Осмый собор месяца того же<sup>37</sup> 8.<sup>38</sup> Девятый събор месяца того же в 11.<sup>39</sup> Десятый събор месяца того же в 18.<sup>40</sup> Первый на десять собор месяца того же в 26.<sup>41</sup> Вторый на 10 собор месяца<sup>a</sup> декамбрия в 4.<sup>42</sup>

<sup>a</sup>Далее зачеркнуто того же 20. Четвертый на.

<sup>20</sup>Испр.; в ркп. Мавспрок. <sup>21</sup>Доб. из М. <sup>22</sup>Испр. по М.; в ркп. 1. <sup>23</sup>Нет М. <sup>24</sup>Испр.; в ркп. 14. <sup>25</sup>Испр. по М.; в ркп. 2. <sup>26</sup>Доб. в М. <sup>27</sup>Доб., день М. <sup>28</sup>Доб. в М. <sup>29</sup>Доб. день М. <sup>30</sup>Доб. в М. <sup>31</sup>Доб. день М. <sup>32</sup>Доб. в М. <sup>33</sup>Доб. день М. <sup>34</sup>Доб. в М. <sup>35</sup>Доб. день М. <sup>36</sup>Доб. день М. <sup>37</sup>Доб. в М. <sup>38</sup>Доб. день М. <sup>39</sup>Доб. день М. <sup>40</sup>Доб. день М. <sup>41</sup>Доб. день М. <sup>42</sup>Доб. день М.